



**KERTAS KERJA UNTUK PERAKUAN  
JAWATANKUASA TEKNIKAL DASAR DAN ENTITI UNIVERSITI**

**KERTAS KERJA CADANGAN PENJENAMAAN SEMULA NAMA  
JABATAN TEKNOLOGI MAKLUMAT DAN KOMUNIKASI UTM**

	Disediakan oleh	Disemak oleh	Disahkan oleh
Tandatangan			
Nama	En. Jaffar Sidek bin Haron	Tn. Hj. Roslai bin Paimin	Prof. Madya Dr. Mohd. Shahizan bin Othman
Jawatan	Ketua Bahagian (Pengurusan Strategik) Jabatan Teknologi Maklumat dan Komunikasi (CICT)	Timbalan Pengarah (Pengurusan Strategik) Jabatan Teknologi Maklumat dan Komunikasi (CICT)	Pengarah Jabatan Teknologi Maklumat dan Komunikasi (CICT)
Tarikh	3/12/2019.		3/12/2019.



## **1.0 TUJUAN**

Tujuan kertas kerja ini adalah untuk mendapatkan perakuan Jawatankuasa Teknikal Dasar dan Entiti Universiti mengenai penjenamaan semula nama Jabatan Teknologi Maklumat dan Komunikasi UTM.

## **2.0 LATARBELAKANG**

- 2.1 Mesyuarat Jawatankuasa Pengurusan Universiti telah meminta pihak Jabatan Teknologi Maklumat dan Komunikasi (CICT) untuk mengemukakan cadangan nama baharu CICT bagi tujuan penjenamaan semula nama Jabatan Teknologi Maklumat dan Komunikasi (CICT) selaras dengan semakan *level* entiti perkhidmatan di UTM.
- 2.2 Sehubungan dengan itu, Jabatan Teknologi Maklumat dan Komunikasi telah membuka peluang kepada semua staf UTM untuk memberikan cadangan nama baharu untuk CICT melalui borang atas talian dalam pertandingan Penjenamaan Semula Nama CICT yang dijalankan mulai 22 April sehingga 30 April 2019.
- 2.3 Melalui pertandingan tersebut, pihak CICT menerima sebanyak 112 penyertaan dari staf UTM yang memberikan cadangan nama baharu CICT yang menepati dengan visi, misi, perkhidmatan teras dan fungsi CICT.

- 2.4 Mesyuarat Jawatankuasa Pengurusan CICT Bil.3/2019 yang telah diadakan pada 19 Jun 2019 telah memilih lima (5) nama baharu CICT untuk disenarai pendek daripada 112 penyertaan. Kriteria pemilihan nama adalah seperti berikut :-
- i) Nama baharu mestilah menggunakan perkataan Digital;
  - ii) Nama baharu mestilah ringkas dan padat;
  - iii) Nama baharu mestilah menggunakan Bahasa Melayu;
  - iv) Nama baharu mestilah menepati visi dan misi CICT;
  - v) Nama baharu mestilah mudah diingat
- 2.5 Cadangan nama baharu CICT yang disenarai pendek dalam Mesyuarat Jawatankuasa Pengurusan CICT Bil.3/2019 adalah seperti berikut:-
- a) Pusat Digital.
  - b) Pusat Digital Universiti.
  - c) UTM Digital.
  - d) Pusat Komunikasi Digital.
  - e) Pusat Digital UTM / *Digital Centre* UTM (DCUTM).
- 2.6 Perbincangan pemilihan nama baharu CICT bersama Felo Teknologi Maklumat Kanan, Prof. Dr. Rose Alinda binti Alias yang telah diadakan pada 21 Ogos 2019 telah mencadangkan nama baharu iaitu Jabatan Transformasi Digital (*Digital Transformation Department*) manakala nama singkatan CICT dijenamakan kepada DigIT bagi penjenamaan semula nama Jabatan Teknologi Maklumat dan Komunikasi (CICT).
- 2.7 Hasil perbincangan tersebut telah dibentangkan dalam Mesyuarat Jawatankuasa Pengurusan CICT Bil.4/2019 yang telah diadakan pada 26 Ogos 2019. Mesyuarat telah meminta cadangan nama baharu tersebut untuk dibincangkan bersama dengan pihak Pejabat Hal Ehwal Korporat UTM dan Bahagian Governan, Jabatan Pendaftar.


## **SULIT**

- 2.8 Perbincangan bersama wakil Bahagian Governan, Jabatan Pendaftar dan Pejabat Hal Ehwal Korporat telah diadakan pada 5 November 2019 yang dihadiri oleh Encik Mohamad Hairudin bin Shahari, Timbalan Pendaftar di Bahagian Governan, Jabatan Pendaftar dan Puan Haliza binti Abd. Hamid, Timbalan Pendaftar di Pejabat Hal Ehwal Korporat.
- 2.9 Secara dasarnya pihak Pejabat Hal Ehwal Korporat UTM dan Bahagian Governan, Jabatan Pendaftar telah bersetuju dengan cadangan nama tersebut dan meminta pihak CICT untuk mengemukakan cadangan nama tersebut kepada Mesyuarat Jawatankuasa Teknikal Dasar dan Entiti Universiti untuk kelulusan.

## **3.0 JUSTIFIKASI**


- 3.1 Justifikasi cadangan nama baharu Jabatan Teknologi Maklumat dan Komunikasi dibuat berdasarkan perbandingan nama Pusat Teknologi Maklumat yang sedia di Universiti Awam dan Universiti Swasta di dalam dan luar negara.

3.2 Perbandingan nama Pusat Teknologi Maklumat di antara Universiti Penyelidikan adalah seperti dalam Rajah 1.




Rajah 1: Pusat Teknologi Maklumat di Universiti Penyelidikan

3.3 Perbandingan nama Pusat Teknologi Maklumat di antara Universiti Teknikal adalah seperti dalam Rajah 2.




Rajah 2: Pusat Teknologi Maklumat di Universiti Teknikal

3.4 Perbandingan nama Pusat Teknologi Maklumat di antara Universiti *Government Linked* adalah seperti dalam Rajah 3.



Rajah 3: Pusat Teknologi Maklumat di Universiti *Government Linked*

3.5 Perbandingan nama Pusat Teknologi Maklumat di antara Universiti Teknologi antarabangsa adalah seperti dalam Rajah 4.



Rajah 4: Pusat Teknologi Maklumat di Universiti Teknologi antarabangsa

## **SULIT**

### **4.0 CADANGAN**

- 4.1 Cadangan nama baharu bagi penjenamaan semula nama Jabatan Teknologi Maklumat dan Komunikasi UTM ialah **Jabatan Transformasi Digital (*Digital Transformation Department*)** manakala nama singkatan CICT dijenamakan semula kepada **DigIT**.
- 4.2 Dicapangkan penggunaan nama baharu tersebut dilancarkan secara rasmi pada Januari 2020 tertakluk kepada kelulusan Mesyuarat Jawatankuasa Dasar dan Entiti Universiti.

### **5.0 TARIKH PELAKSANAAN**

- 5.1 Dicapangkan tarikh pelaksanaan adalah mulai 1 Januari 2020.

### **6.0 IMPLIKASI STAF, FIZIKAL DAN KEWANGAN**

- 6.1 Implikasi kewangan yang terlibat hanya melibatkan kos pembelian peralatan seperti cop jabatan dan tempahan papan tanda utama (*signage*) CICT.

### **7.0 TARIKH DILULUSKAN**

- 7.1 Mesyuarat Jawatankuasa Pengurusan CICT Bil.3/2019 yang telah diadakan pada 19 Jun 2019.
- 7.2 Mesyuarat Jawatankuasa Pengurusan CICT Bil.4/2019 yang telah diadakan pada 26 Ogos 2019.

### **8.0 KESIMPULAN/SYOR**

Jawatankuasa Teknikal Dasar dan Entiti Universiti dengan segala hormatnya dipohon memperakukan nama baharu Jabatan Teknologi

## **SULIT**

Maklumat dan Komunikasi (CICT) iaitu **Jabatan Transformasi Digital (DigIT)** sebagai penjenamaan semula nama CICT.